

stato merchadante in Soria anni 6; et sono venuti con

11* *Da Corphù, di sier Alvise d'Armer baylo et capitano, di 23.* Di dite galie di Baruto, zonte al Zante a di 17 con colli 1800, tra i qual sono colli 1400 zenzari etc.; sichè è pocho charge. *Item*, aver mandato sier Zuan Contarini soracomito a disarmar e altri etc. *Item*, le zente turchesche li vicine par tutte tirano a la volta di sopra; sichè il Signor è per far guerra questo anno, o contra Sophi, over contra il Soldan, per quello se intende.

Di sier Zuan Contarini sopracomito etiam fo letere. Come andò con le converse contra le galie di Baruto, et l'ha segurate fino al Zante.

Et Pregadi vene zoso a hore 3 di note.

Noto. Se intese come li spagnoli, numero . . . ,

.

In questa matina, per parte presa in Quarantia, fo chiamà Zuan di Ruzier scrivano a le Cazude padre di Marco Antonio, fu preso *etiam* di retenir, che si apresenti, *ut* in proclama. E nota. El dito tolse la fida; *tamen* ha fato molte jotonie a dito oficio.

A dì 9, Domenega, vene l'orator di Ferrara, con letere di 5 et 6, dil Duchà. Con avisi di queste cosse alemane. In la prima erano bon numero, in la secunda non sono grossi, et li sguizari sono zente trista et non di boni sguizari, *imo* venuti contra la voluntà di soi capi; et il resto di todeschi disarmati etc.

Vene sier Zuan Paulo Gradenigo electo provedador a Padoa, et disse, cussi come acceptò *libenti animo*, cussi pregava la Signoria facessero comandamento a li syndici che lo expedisano e venir al Consejo. Et cussi chiamati diti syndici, fo ordinato venissero doman che li dariano el Consejo di Pregadi.

Eri comenzò il perdon a Santa Maria di Gratia, dura 8 zorni, di colpa e di pena, *noviter* ottenuto da questo Pontifice. *Etiam* fo certo perdon a San Rocho, et monstrato il suo corpo.

Ozi fo prima neve, che più questo anno non ha nevegato; ma pocho, pur li copi erano coperti, poi pioza. Poi disnar tempesta grande, poi vento et sol; sichè sta un stranio zorno.

12 Da poi disnar fo Gran Consejo, et fo rimesso di far li Pregadi nuovi, come fu preso, atento se intendeva li vechi non si volevano far tuor, questi di questo anno, pochi, et non voleano dar danari; sichè fo terminà farli poi Pasqua.

Fu posto, per li Consieri, atento sier Polo Valaresso, electo provedador al Zante, è andà a Padoa

a' servizi nostri, che 'l tempo non li cori di andar al suo rezimento. Ave 4 non sincere, 96 di no, 784 di sì.

Di Bassan, di sier Piero Antonio Morexini podestà e capitano, di eri. Con avisi de i nimici, *ut supra*, sono li, nè si moveno.

Fu trovato in questo Consejo ducati, et una voxe fu fata che niun oferse. Niun passò che Provedador sopra il flisco.

Capitano dil borgo di Corphù.

Sier Piero da Canal, fo zudexe di mobile qu. sier Alvixe	301.1036
Sier Nicolò Quirini, fo camerlengo a Napoli di Romania, di sier Carlo, ducati 200	624. 729
Sier Zuan Barozi, fo Cao di XL, qu. sier Giacomo, ducati 300	715. 672
† Sier Giacomo Zustignan, fo XL zivil, qu. sier Polo, ducati 500	798. 541

Uno Consier a Retimo.

Sier Francesco Barbaro, fo a la custodia di Padoa, di sier Lorenzo	336.1031
† Sier Francesco Bon, fo camerlengo a Ruigo, qu. sier Scipion, fo preson a Ferrara mexi 32, il qual oferse oltra ducati ducati 100	1106. 262

Uno Provedador a le biave.

† Sier Francesco Mozenigo, è di Pregadi, qu. sier Piero, oltra ducati 1400, ducati 600	882. 647
Sier Alvise Loredan, fo provedador di comun, qu. sier Antonio	472. 919
Sier Polo Valaresso, è di Pregadi, qu. sier Federico	510. 836
Sier Andrea Vendramin, è di Pregadi, qu. sier Bortolo, oltra 2400, ducati 300	687. 594

Uno Provedador sora il flisco.

Sier Filippo da Molin, fo podestà a Caxal Mazor, qu. sier Hirornimo	528. 738
---	----------